

Ulloq: 3. november 2025

SJÓMAQ-PULJEP KALAALLISUUNNGORTINNERANUT NAJOQQUTASSAT

Nalornisoqartillugu najoqqutassap danskisoortaa atuuttuaannarpoq. Tamanna patsiseqarpoq allatseqarfimmi qinnuteqaatinik suliarinnittartut kalaallisut paasisinnaannginnerannik.

Sjómaq-puljemut najoqqutassat

§ 1 Siunertaq

- 1) Aningaasaliissuteqarfiup Naalagaaffeqatigiinnerup iluani inuusuttut atassuteqarfiit nutaat kiisalu atassuteqarfigeriikkat pioreersut nukittorsarneqarnissaat siunertaraa.
- 2) Aningaasaliissuteqarfiup inuusuttut nunat akornanni ilisimasat annertusarnissaat siunertaraa, tamatumunnga ilaallutik nunat kulturiat, oqaluttuarisaanerat, oqaasii aammalu inuiaqatigiinni ullumikkut atugaasut.

§ 2 Kikkut Sjómaq-pujliemut qinnuteqarsinnaappat?

- 1) Inuusuttut peqatigiiffii aamma inuusuttut nammineq aaqqissuussaminnik eqimattat Kalaallit Nunaanni, Savalimmiuni Danmarkimilu najugaqartut, aningaasaateqarfimmut qinnuteqarsinnaapput.
- 2) Suliniut inuusuttunit aqunneqassaaq. Inuusuttut suliniummut akisussaasuullutillu ingerlatsisuussapput. Inersimasut aallartisarnermut, atortussatigut siunnersuinikkullu ikiuussinnaapput, kisianni inuusuttulli tassaassapput aalajangiisussat. Qinnuteqartoq ukiut 30-t ataallugit ukiulik inuusuttutut isigineqarpoq.
- 3) Suliniutit kajumissutsimik suliaqarnermi tunngaveqassapput. Kajumissutsimik sulisut aalajangeeqataassapput, pilersaaruserlutik aamma suleqataallutik, suliniummillu ingerlatsisut akissarsiaqassanngillat.
- 4) Ataani taaneqartut tapiiffigineqarsinnaanngillat:
 - a. suliniutiginiakkat niuerneramik ingerlatsinermik imaluunniit niuernerpalaartumik sullissinermik iluanaaruteqarnissamut siunertaqarpata.
 - b. suliniutip suliffeqarfik imaluunniit inuussutissarsiutimut tunngasunik siuarsaaniarneruppat.
 - c. inuusuttut peqatigiiffiat imaluunniit ilaasortaata inatsisinut unioqqutitsippata, imaluunniit tamat oqartussaaqataanerannik tunngaveqanngitsut suliniutinut peqataappata.

§ 3 Suliniummut kina akisussaasuua?

- 1) Qinnuteqartoq peqatigiiffiuppat, siulersuisuusut suliniummut akisussaasuussapput. Taamaattumik pingaaruteqarpoq qinnuteqarnermi peqatigiiffik sinnerlugu DUF-imut attaveqaataasup aningaasaateqarfimmut qinnuteqarnissamut tamakkiisumik piginnaatitsissummik tunineqarsimanissaa.
Peqatigiiffik sinnerlugu attaveqaataasup qinnuteqarnermut atatillugu pissutsit tamaasa DUF- imut nalunaarutigissavai. Peqatigiiffiup siulersuisuisa allakkatigut DUF-imut nalunaarutigisinnaavaat, allamik attaveqaataasussamik toqqaasoqassappat. Taamatut pisoqassappat tamanna ingerlaannaq nalunaarutigineqassaaq.
- 2) Qinnuteqartoq inuusuttut nammineq aaqqissungaannik eqimattami sinnerlugit attaveqaataappat, attaveqaataasup suliniummut tunngatillugu toqqaannartumik aamma killeqanngitsumik akisussaavoq. Tamanna aamma atuuppoq eqimattami suleqatigiinneq unitsinneqarpat. DUF-ip nammineq aalajangissavaa, nutaamik attaveqaataasussamik akuersissanerluni.
- 3) Inuusuttut nammineq aaqqissugaannik eqimattani attaveqaataasup 18-inik ukioqalereersimassaaq.

§ 4 Tapiissutinik agguassinermut tunngaviit

- 1) Aningaasat Naalagaaffeqatigiinnermi siammasissumik agguarneqassapput. Tamanna isumaqarpoq, aningaasaliissutip qinnuteqaatit salliutissagai nunani aningaasaliissutinik taperfigineqartut ikinnerpaamik pissarsisimasuneersut, kiisalu qinnuteqartut inuusuttunit nunanilluunniit amerlanerusunit qinnuteqartut.
- 2) Aningaasat suliniutinut assigiinningsut agguarneqassapput. Tamanna isumaqarpoq, aningaasaliissutip salliutissagai suliniutit allanit aningaasaliiffigineqannginnerusut.
- 3) Aningaasat inuusuttut suliniaqatigiiffiit siammasissunut agguanneqassapput. Tamanna isumaqarpoq aningaasaliissutip salliutissagai inuusuttut suliniaqatigiiffii suliniummut suleqatigiikkumasut.
- 4) Aningaasat Naalagaaffeqatigiinnerup iluani inuusuttut akornanni ilisimasat annertusarneqarnissanut tapertaassapput, § 1, nr. 2 naapertorlugu. Tamanna isumaqarpoq aningaasaliissutip qinnuteqaatit oqimaqatigiissumik ataavartumillu suleqatigiinnermut tunngasut salliutissagai. Suliniummi qinnuteqartoq pingaarnertut inissisimasooq, suliniummi aallartisaanermik aammalu aqutsinermik akisussaasuusinnaavoq, kisianni suliniummi suleqataasut tapersiissapput.
- 5) § 4-mi tunngaviit aallaavigalugit aningaasaliissutip qinnuteqaatit itigartissinnaavai imaluunniit qinnutigineqartumut aningaasanik ikinnerusunik tunniussisinnaavoq, aningaasat agguagassat annertussusaat apeqqutaatillugu.

§ 5 Suut tapiiffigineqarsinnaappat?

- 1) Inuusuttut Savalimmiuni, Kalaallit Nunaanni Danmarkimilu naapeqatigiinnissaannut, suliniutit, suliniutinullu atortussat. Minnerpaamik nunat marluk inuusuttut peqataaffigisaannut tapiiffigineqarsinnaapput.
- 2) Aningaasanik tapiissuteqarnissamut qinnuteqartoqarsinnaavoq aningaasartuutit angalanissamut, najugaqarnissamut, suliniutinut assigisaannullu siunertamut attuumassuteqartunik.
- 3) Qinnuteqartut aningaasat 100.000 kr. sinnerlugit qinnutigineqarsimappata, kukkunersiuinermut 10.000 kr. tikillugit qinnuteqarsinnaapput.
- 4) Ataani taaneqartut tapiiffigineqarsinnaanngillat:
 - a. Ineqarnermut akiliutit, pisartakkanut atuinermi akiliutit imaluunniit aningaasartuutit aalajangersimasut allat.
 - b. Pikkorissarnermut-/peqataanermut akiliutit.
 - c. Akissarsiat aamma kajumissutsimik sulisussat akissarsiassaannik matussusiinerit.
 - d. Sanaartorneq imaluunniit illunik iluarsaassinerit, kiisalu atajuartussanik pisiniarneq.
 - e. Suliniutinut Kalaallit Nunaata aamma Savalimmiut Danmarkillu avataaniittunut.
 - f. Politikikkut qineqqusaarnermi inunnut ataasiakkaanut tunngasut.
 - g. Guutisiornernut tunngassuteqarsinnaasunut.
 - h. Suliniutinut qinnuteqartinnani aallartereersimasunut naammassereersimasunulluunniit.
 - i. Suliniutit inuit akunnerminni pissusiinut tunnganerusut.
- 5) Suliniut tapiiffigineqarsimasoq aningaasatigut isertitaqartitsippat, isertitat sinneqartut tapiissummut naatsorsuunneqassapput.

§ 6 Qanoq annertutigisunik qinnuteqartoqarsinnaava?

- 1) 10.000-250.000 DKK akornanni qinnuteqaammi ataatsimi qinnuteqartoqarsinnaavoq.

§ 7 Qanoq qinnuteqartoqassava?

- 1) Aningaasaliissutip qinnuteqarneq nittartakkakkuinnaq ingerlanneqarsinnaavoq, qinnuteqarnermi immersuiffissakkut. Aningaasaliissutip allaffeqarfia atortorissaarutitigut ajornartoortoqartillugu immikkut akuersissuteqarsinnaavoq.
- 2) Qinnuteqaatit nalilersorneqassapput qinnuteqarnissamut killigititaq piffissarititaasoq qaangiunneratigut. Qinnuteqarfissamut killiliussat aningaasaliissutip nittartagaatigut saqqummiunneqassapput.
- 3) Qinnuteqaat qinnuteqaatitut isigineqassaaq makkuninnga imaqarpat:
 - a. Suliniummut attaveqaataasup/akisussaasup tunngaviusumik paasissutissaatai, suliniummilu attaveqaataasoq minnerpaamik nunamit ataatsimit peqataasoq
 - b. Peqatigiiffiup CVR normua imaluunniit inatsisitigut akisussaasup CPR-normua imlt. P-normua)
 - c. Qinnuteqaat immersorsimasoq qallunaatut allassimasoq

- d. Ulloq aallartiffik ullorlu naammassiffik
- e. Aningaasanut missingersuut
- f. Aningaaserivimmut paasissutissat (registrerings- aamma kontonormu inuusuttut peqatigiiffianut aamma CVR normu NemKontomut atassuteqartoq)

§ 8 Qinnuteqaatinik nalilersuineq aningaasaliinerlu

- 1) Aningaasaliissutip allatseqarfia qinnuteqaatinik nalilersuinermini paasissutissanik piunasaqarsinnaavoq.
- 2) Aningaasaliissutip aningaasanik agguaanermut ataatsimiititaliaata qinnuteqaatit qinnuteqarfissamut killiliussap qaangiutereernerani nalilersortarpai.
- 3) Qinnuteqaat nalilersorneqarnermini akuerisaasinnaavoq, tamakkiisuunngikkaluamik akuerineqarsinnaavoq itigartinneqarsinnaalluniluunniit. Aalajangiisoqareerniariarpai qinnuteqartoq akissutisissaaq.
- 4) 10 % tikillugu missingersuusianut akuerisaasunut qaffaasoqarsinnaavoq. Allannguutit tamarmik aningaasaateqarfiup allatseqarfianut nalunaarutigineqarlutillu akuerineqappaassapput. Allannguutit akuerisaanngippata tapiissutit ilanngarneqarsinnaapput.
- 5) Aningaasanik tapiinissamut akuersisoqareernerata kingorna, suliniutip imarisaanut piffissaliusnaanulluunniit allannguutit aningaasaateqarfiup allatseqarfianit akuerineqassapput. Allannguutit akuerisaanngippata aningaasaliissutit ilanngarneqarsinnaapput.

§ 9 Aningaasanik tunniussineq

- 1) Aningaasanik tapiissutininik tunniussineq marloriarluni akilersuinermini pisarpoq. Tunniussineq siulleg tapiissutit 80 %-ii tunniussinerullu aappaani tapiissutit sinneruttut 20 %-t. Aningaasaliinerlut allakkat tiguneqareerpata tapiissutit qinnutigineqarsinnaapput.
 - a. Aningaasat tapiissutit siulliit 80%-iusut tigujumaneqarsinnaapput aningaasaliissutip allatseqarfiata nittartagaani immersugassap immersorneratigut. Immersugassaq suliniummut attaveqaataasumit atsiorneqarsimassaaq. Attaveqaataasoq 18-inik ukioqalereersimasussaavoq. Takukkit attaveqaataasup akisussaaffii § 3-miittut.
 - b. Aningaasat kingulliit 20 %-iusut tunniunneqarsinnaapput aningaasaateqarfiup allatseqarfiata naatsorsuutit akuerisaasut aamma nalunaarusiornerit tigusimalerpagit. Erseqqinnerusumik takuuk § 10.
 - c. Aningaasat kontomut tunniunneqassappata NemKontomut attuumassuteqanngitsumut, tunniunneqartussat siulliit 80%-it qinnutigineranni bankverifikationsbrev ilanngunneqassaaq kontop pigineqarneranik uppernarsaat.
- 2) Tapiissutit tamaasa imaluunniit ilai uterteqquneqarsinnaapput:

- a. Suliniut qinnuteqaammi allaaserineqartutut ingerlanngippat, imaluunniit piumasaqaatit Sjómaq-puljep malittarisassaanut naapertuutinngippata.
- b. Suliniut sinneqartooruteqarluni naammassineqarpat.
- c. Naatsorsuutit suliniutilluunniit allaaserinera akuerineqarsinnaanngippat.
- d. Utertitsinissamut periarfissat tamakkeqqanngippata.

§ 10 Qanoq nalunaarsuisoqassava?

- 1) Aningaasaliissutissanik 100.000 kr. ataallugit tapiissutininik pissarsisut:
 - a. nalunaarusiamik immersuissapput.
 - b. naatsorsuutininik immersuissapput.
 - c. nalunaarutigissavaat aningaasaliissutinit qanoq amerlatigisut atorneqarsimanersut, kiisalu tapiissutit tapiisarnermut malittarisassat aamma najoqqutassat malillugit atorneqarsimanersut.
- 2) Aningaasaliissutissanik 100.000 kr. sinnerlugit tapiissutininut pissarsisut:
 - a. nalunaarusiamik immersuissapput.
 - b. Naatsorsuutininik immersuissapput.
 - c. nalunaarutigissavaat aningaasaliissutinit qanoq amerlatigisut atorneqarsimanersut, kiisalu tapiissutit tapiisarnermut malittarisassat aamma najoqqutassat malillugit atorneqarsimanersut.
 - d. Akuerisaasumik naatsorsuuserisumit nalunaarummik nassiussissapput. Naatsorsuuserisumut aningaasartuutissanik qinnuteqartoqarsinnaavoq suliniut 100.000 kr. sinnerlugit aningaasartuuteqassappat.
- 3) Allatigut isumaqatigiissuteqartoqarsimatinngu aningaasaliissutip allatseqarfiata suliniutip naammassineranit kingusinnerpaamik qaammat ataaseq qaangiutsinnagu nalunaarusiaq tigussavaa.
- 4) Tapiissutininik pissarsisut tamarmik naatsorsuutit pisinnermut uppersaataitallit, akiligassat assigisaalluunniit suliniutip allartinneranit naammassineranut piumasaqaatillu aningaasaliissutip allatseqarfianut nassiutereernerini ukiuni tallimani paarissavaat.
- 5) Nalaatsornerinnarmik aningaasaliissutit misissorneqarsinnaapput aningaasartuutininut takussutissianik piumasaqartoqarsinnaalluni.
- 6) Nalunaarusiaq amigarpat takussutissalluunniit amigaateqarpata tapiissutit ilai tamakkiisulluunniit uterteqquneqarsinnaapput.

§ 11 Avammut paasissutissanik saqqummiineq suliniummilu maluginiarneqarneq

- 1) Dansk Ungdoms Fællesråd aamma det danske Kulturministeriet, suliniutit aningaasaliissummiit tapiiffigineqartut pillugit paasissutissanik avammut saqqummiussinissamut atorsinnaavaat. Qinnuteqartullu naleqquttumik peqataanissaat naatsorsuutigineqarpoq.

- 2) Aningaasaliissutip allatseqarfiata nalunaaruteqartarnissaa aammalu qinnuteqarnissamut piffissarititaasut avammut saqqummiunneqarnissaat qulakkiissavaa.

§ 12 Aningaasaliissutip allaffissornikkut aqunnera

- 1) Sjómaq-pulje Dansk Ungdoms Fællesrådip allatseqarfianit aqunneqarpoq, tamanna det danske Kulturministerium isumaqatigiissuteqarfigisimavaa.
- 2) Sjómaq-pulje Danmarkimiippoq, danskit inatsisaat malillugit ingerlalluni, aammalu aningaasat atorineqartut dansk koruuniupput (DKK).